

## आकाशवाणी

## खास-खास खबरां:-

- प्रधानमंत्री नरेन्द्र मोदी होर अज्ज त्रंऊ दिनें दे दौरे पर जार्डन – इथोपिया ते ओमान जा करदे ना।
- भारत नै बंगलादेश दी अंतरिम सरकार दे आरोपें गी खारज करदे होई- उत्थे रमानदारी चुनाएं लेई समर्थन गी दोहराया ऐ।
- अमरीकी सरकार अज्जै थमां सोशल मीडिया प्रोफाइलें दी जांच सनें H-1-B ते आश्रत H-4- वीजें लेई दरखास्त देने आहलें दी जांच शुरू करोग।
- आस्ट्रेलिया दे बोंडी बीच पर आतंकी हमले च 15एं जनें दी मौत- प्रधानमंत्री नरेन्द्र मोदी होरें हमले पर दुख जताया।
- न्योनेल मेस्सी भारत दे अपने दौरे दे खीरी गेड़ च अज्ज नमीं दिल्ली पुजा रदे न- सुरक्षा दे निगर बंदोबस्त।
- भारत नै पैहली बारी स्कवैश विश्व कप जितेया ऐ
- ते मजूदा टी-20 श्रंखला दे त्रीएं मैच च भारत नै आस्ट्रेलिया गी 7 विकेटें कन्नै रहाइयै 2-1 दी बढ़त बनाई।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## PM-Visit

प्रधानमंत्री नरेन्द्र मोदी अज्जै थमां थमां जार्डन दे दौरे पर रवाना होइन्। प्रधानमंत्री हुं'दी एह जात्तरा जार्डन नरेश अब्दुल्ला द्वितीय बिन अल हुसैन हुं'दे सादे पर 15 ते 16 दिसम्बर गी होआ करदी ऐ। प्रधानमंत्री हुंदा जार्डन दा एह पैहला-पैहला दौरा दौनें मुल्ले बंशकार कूटनीतिक सरबन्धे दी स्थापना दे 75एं बरें दे मौके पर लगा करदा ऐ। इस दरान दौने नेता आपसी सरबन्धे दे सब्बनें पैहलुएं दी समीक्षा करगंन ते इलाकाई मुद्दे पर बी बचार बटांदरा करगंन। एहदे परैन्त 16 ते 17 दिसम्बर गी प्रधानमंत्री हुंदा इथोपिया दा दौरा होग जेहड़ा आपसी सैहयोग गी होर तगड़ा बनाने दी भारत दी वचनबद्धता गी दर्शादा ऐ। फही 17 ते

18 दिसम्बर गी श्री मोदी ओमान दे दौरे पर रौहडन जिस दरान इक उच्ची सतह दा डैलीगेशन बी उंदे कन्नै ओमान जाहगा।



## India Bangladesh

भारत नै बांगलादेश दी अंतरिम सरकार दे आरोपें गी साफ तौरा पर खारिज करी दिता ऐ- जेदे च आखेया गया हा जे नमीं दिल्ली साबका प्रधानमंत्री शेख हसीना होरें गी अपने समर्थकें सामने भड़काऊ ब्यान देने दी इजाजत देया रदी ऐ। विदेश मंत्रालय नै आखेया ऐ जे भारत नै बांगलादेश च शांतिपूर्ण माहौल च आजाद निरपक्ख- समावेशी ते भरोसमेद चुनां करोआने दे अपने रुख गी लगातार दोहराया ऐ। इसदे इलावा भारत नै कदें बी अपनी धरती दा इस्तेमाल बांगलादेश दे हितें दे विपरित नेंई होन दिता।



## Trump Visa

अमरीका दी सरकार अज्जै थमां सोशल मीडिया प्रोफाइलें दी जांच सनें H-1 B ते एहदे आश्रत H-4 वीजें लेई दरखास्त देने आहलें दी जांच पड़ताल शुरु करोग। अमरीका दे विदेश मंत्रालय नै इक नमें हुक्म च आखेया ऐ जे अज्जै थमां सब्बनें H-1 B आवेदकें ते उंदे आश्रतें दी ऑनलाईन मजूदगी दी समीक्षा करगंन। विद्यार्थियें ते एक्सचेंज विज़िटरें गी पैहले सवां गै इस जांच दे दायरे च रखेया जंदा रेहा ऐ। हून विदेश मंत्रालय नै एहदे च विस्तार करदे होई सोशल मीडिया दी जांच गी बी एहदे च शामिल करी दिता ऐ ते एहदे च H-1 B आवेदकें ते H-4 वीजा पर उंदे आश्रतें गी बी शामिल कीता गया ऐ। मंत्रालय दा आखना ऐ जे इस जांच प्रक्रिया गी सखल्ला बनाने लेई H-1 B ते उन्दे आश्रतें H-4 , F M ते J श्रेणी दे गैर अप्रवासी वीजा दे सब्बनें आवेदकें गी अपनी सब्बनें सोशल मीडिया प्रोफाइलें दी निजता यानि प्राइवेट

दी सेटिंग गी सार्वजनिक यानि पब्लिक पर सेट करना होगा। F, M ते J वीजा दा इस्तमाल विद्यार्थियों ते एक्सचेंज विज़ीटर औने लेई करदे ना।

<><><><><><>

## Australia Terror Attack

आस्ट्रेलया च सिडनी दे बोंडी बीच पर कल संजा यहूदियें दी छुट्टी दौरान दंऊ बंदूकधारियें आसेया कीती गेदी गोलीबारी च इक बंदूकधारी सने 15 लोक मारे गे न ते केंई होर घायल होए ना। न्यू साउथ वेल्स पुलस नै आखेया ऐ जे इक शूटर गी हिरासत च लेता गया ऐ। इस घटना च 29 लोक घायल होए न- जिन्दे च 2 पुलस अफसर ना। प्रधानमंत्री एंथनी अल्बनीस होरें इस घटना गी हैरान ते परेशान करने आह्ला दस्सेया। उनें आखेया जे एह हमला आस्ट्रेलिया दे लोकें पर कीता गेदा हमला ऐ। प्रधानमंत्री नरेन्द्र मोदी होरें आस्ट्रेलया दे बोंडी बीच पर होए दे आतंकवादी हमले दी निंदेया कीती ऐ। उनें आखेया जे दुख दी इस घड़ी च भारत आस्ट्रेलया दे लोकें कन्नै खड़ोते दा ऐ। प्रधानमंत्री होरें आखेया जे भारत नै आतंकवाद दना बी नेंई बर्दाश्त करने दी नीति अपनाई दी ऐ ते भारत हर चाली दे आतंकवाद खिलाफ लड़ाई दा सर्थन करदा ऐ।

<><><><><><>

## Messi Delhi

स्टार फुटबालर लियोनेल मेसी अपने भारत दौरे दे चौथे ते खीरी गेड़ च अज्ज नमीं दिल्ली पुजगंन- जिस दौरान ओ अरुण जेटली स्टेडियम च खेड़े जाने आहले इक नमैशी मैच च शामिल होगन। दिल्ली दौरे दौरान उन्दा मिनरवा अकैडमी दी टीम गी सम्मानित करने दा बी कार्यक्रम ऐ। लियोनेल मेस्सी हुंदा त्रंऊ दिनें दा दौरा 13 दिसम्बर गी शुरु होआ हा- जिस दौरान उन्दा कोलकाता- हैदराबाद- मुम्बई ते नमीं दिल्ली दा कार्यक्रम हा। मेस्सी गी दिक्खने लेई ज्हारें दी गिनतरी च लोकें दे औने दी मेद ऐ। जिसी ध्यानै च रखदे होई दिल्ली

पुलसै सुरक्षा दे निगगर बंदोबस्त कीते गे न। कीजे कोलकाता दौरे दौरान होए दे हंगामे गी ध्यानै च रखदे होई मती सतर्कता बरती जा करदी ऐ।

<><><><><><>

## Squash

ते हून स्कवाश। भारत नै कल पैहली बारी विश्व स्कवाश विश्व कप जितने च कामयाबी हासल कीती ऐ। जंदी राती चेन्नेई च खेड्डे गेदे स्कवाश विश्व कप दे फाईनल मकाबले च भारत नै दुनिया दे पैहले नम्बरै पर काबज हांगकांग गी 3-0 कन्नै रहाइयै विश्व चैम्पियन दा खताब अपने नां कीता। एहदे कन्नै गै भारत स्कवाश विश्व कप जितने आहला पैहला एशियाई मुल्ख बी बनी गया ऐ। एहदे शा पैहले विश्व कप च भारत दा बेहतरीन प्रदर्शन 2023 च दिक्खने गी लब्बा हा। जंदू उन्नै कैह दा तगमा जितेया हा। एशियाई खेड्डे च पदक जित्ती चुके दे अभय सिंह नै 42मीं थाहरै पर काबज एलैक्सलाऊ गी 3-0 कन्नै- जिसलै कि 17 बरे दे अनाहत सिंह नै विश्व रैंकिंग च 31मीं थाहरै पर काबज “टोमाटो हो” गी बी इन्नै गै फर्क कन्नै रहाइयै भारत लेई खताब पक्का करी दिता।

<><><><><><>

## Cricket

टी-20 मैचें दी श्रंखला दे त्रिए मैच च भारत नै कल राती धर्मशाला दे हिमाचल प्रदेश क्रिकेट एसोसिएशन स्टेडियम च दक्खन अफ्रीका गी 7 विकेट कन्नै हराई दिता। अफ्रीका दे 118 रन्ज दा लक्ष्य दे परते च भारत नै 15 ओवर 5 गेदें च त्रै विकेटें दे नुक्सान पर 120 रन्ज बनाए। अभिषेक शर्मा होरें सब्बनें शा मते 35 रन्ज बनाए- तिलक शर्मा होरें 25 रन्ज दी नावाद पारी खेड्डि। इसदे थवां पैहले भारत नै टॉस जितियै गेंदबाजी करने दा फैसला कीता। पैहले बल्लेबाजी करदे होई दक्खन अफ्रीका नै तय 20 ओवरें च 117 रन्ज बनाए। कप्तान एडन मार्करम नै सब्बने थवां बद्द 61 रन्जा बनाए। दक्खन अफ्रीका दी टीम 117 रन्ज

बनाइये ऑल आउट होई गई। भारत 5 मैचों की श्रृंखला च 2-1 कन्नै अगगे ऐ। श्रृंखला दा चौथा मैच लखनऊ च ते खीरी मैच अहमदाबाद दे नरेन्द्र मोदी स्टेडियम च खेडेया जाग।

<><><><><><>

## Under-19 Asia Cup

भारत ते पाकिस्तान बश्कार 19एं बरे कोला हेठली उम्री की एशिया कप 2025 दे इक मकाबले च भारत नै अपने रिवायती हरीफ गी 90 रन्ज कन्नै हराया। कल दुबई च खेडे गेदे इस मैच च पाकिस्तान दे कप्तान फरहान यूसफ नै टॉस जितियै पैहले गेंदबाजी करने दा फैसला कीता। पैहली बल्लेबाजी करदे होई टीम इंडिया नै 46 ओवर ते इक गेंद पर 240 रन्ज बनाए। परते च पाकिस्तान की पूरी टीम छडे 150 रन्जा पर आउट होई गई ते भारत नै एह मकाबला 90 रन्ज कन्नै जित्ती लैता।

<><><><><><>

## Railway Electrification

रेलवे नै 25 राज्यों ते केन्द्र शासित प्रदेशों च Electrification दा 99 फीसद थवां मता कम्म पूरा करी लैता ऐ। मंत्रालय मुजब 2019 सोया 2025 बश्कार 33 ज्हार किलोमीटर सोया मते रस्ते दा विधुतीकरण कीता गया ऐ। एह लगभग जर्मनी दे पूरे रेलवे नेटवर्क दे बरोबर ऐ। एह स्वच्छ ते कुशल रेल परिवहन दे विस्तार च मुख्य की क्षमता दा प्रतीक ऐ।

<><><><><><>